



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Maximiliani Sandaei E Societate Iesv Doctoris
Theologi Architectvra Christiana**

Sandaeus, Maximilianus

Coloniæ Agrippinæ, 1653

Sermo. III. Fides Informis, & Formata, vtra sit Fundamentum Ædificij
Spiritualis.

[urn:nbn:de:hbz:466:1-46065](#)

S E R M O III.

F I D E S

Informis & Formata.

Vtra sit Fundamentum Ædificii Spiritualis,

Fundamentum aliud nemo potest ponere, prater id, quod possum
est, quod est Christus JESUS, id est, Fides in Chri-
stum JESUM. 1. Corin. III.

A R T I C U L U S I.

F I D E S

An & Quomodo sit Formata? vel sit Informis?



ERITO sciliciteris, An Fundamentum Spi-
ritualis, atque Christiani ex virtutibus con-
surgentis Ædificii, sit solum illa Fides, quæ
Caritati est coniuncta, qualis reperitur
tantum in hominibus justis, & divina gra-
tia donatis? An vero etiam illa, quæ à Caritate avulsa est,
& manet in peccatoribus fidelibus, gratia recedente?
Priorem vocant Theologi Fidem formatam, quoniam
fides à caritate, tanquam formâ perficitur. Non quod
Caritas propriè sit forma fidei; aut essentialis, sicut ani-
ma dicitur forma hominis; aut accidentalis, quæ inh-
reat, ut albedo corpori. Neque enim ita delirant subti-
les Scholastici, ut non animadvertiscas, duas esse specie di-
stinctas virtutes, & unam in intellectu, alteram hæcere

in

in voluntate; ideoque, unam alteri non ita conjungi. Sed quoniam perfectionem aliquam Fidei addit Caritas, ut forma solet subiecto: & præcipuam vim, dignitatem, ac valorem meritorum ad beatitudinem consequen-
dam Fides accipit à Caritate. Quomodo Paulus Apo-
stolus, *Si habuero, ait, omnem fidem, caritatem autem non
habuero, nihil sum.* Corinthis XIII. Et idcirco commen-
dat Fidem, quæ per caritatem operatur, ad Galatas V.
Jacobus autem Apostolus, Fidem, caritate semotâ
mortuam dicit cap. secundo epistolæ suæ, sensu superius
dato, quia quamvis sit vera, non est tamen viva Fides:
quomodo corpus, anima separata, verum est corpus,
sed mortuum. Talis est Fides peccatorum, quæ à Theo-
logis appellatur eodem intellectu. *Informis.*

ARTICVLVS II.

FIDES INFORMIS.

Vtrum sit Fundamentum.

NON nisi illam Fidem, quæ caritatem conjunctam
habet esse Fundamentum Domus Sapientiæ, col-
ligi videtur ex sententia Pauli initio recitata: *Fundamen-*
tum aliud nemo potest ponere præter id quod possum est, quod est
Christus Jesus: nempe, Fides in Christum Jesum, non
solum vera sed & viva. Sic sanè S. Augustinus exponit:
nam cum non uno loco difficultatem sententiæ Pau-
linæ ostendisset, probat, Christum dici Fundamen-
tum, id est, Fidem Christi quæ per dilectionem opera-
tur, ita libro de fide & operibus cap. 15. & 16. & ad Dul-
citium c. i. At vero, D. Chrysostomus & Theophyla-
ctus, Fundamenti nomine intelligunt Fidem informem

S. 4

Quod

Quod aliqui ex eo confirmant, quoniam Fidei forma
tæ non videtur posse superædificari, lignū, fœnū, stipula
ac proinde laxius Fidem Christi, ejusque doctrinam
cipi debere contendunt. Sed revera, cum Fide cari
uncta stare possunt, atque illi superstrui peccata venia
lia, quæ symbolis, ligni, fœni, ac stipulæ designantur.

Majorem vim habet, quod est apud eundem Apo
lum, ad Ephesios tertio, ubi hoc suum ponit votum:
*Det vobis (Pater Domini nostri Jesu Christi) secundum
divitias glorie sue, virtute corroborari per spiritum eius in interi
rem hominem: CHRISTUM HABITARE per FIDEM in cor
dibus vestris: in caritate radicati, & fundati.* Quod
Apostoli desiderium supponit, in homine Christia
no, esse Ædificium, in quo Christus habitet, si tamen
Fundamentum habeat Fidem, non solitariam & otio
sam, sed in Caritate radicatam, & fundatam: quasi Ca
ritas sit fundamentum fidei.

Quod difficile est explicatu, si Architecturæ Christia
næ regulis insistamus: quare non est una Interpretum
expositio, qñorum aliqui hic hyperbaton, alii antiptosis
agnoscunt. Nos, omisis Grammaticorum subtilitatibus,
dicamus, vel quod ex Latinis SS. Ambrosius & Augu
stinus, sensum esse Apostoli: Si in Caritate sitis radicati
& fundati, id est, in Fide, cui adhæret radix caritatis,
poteritis comprehendere (quod sequitur) quæ sit latitudo, lon
gitudo, & profundum; vel, quod ex Græcis Photius, Apo
stolum dicere: fixis in caritate radicibus, jacto que fun
damento caritatis ejusdem, fide præsupposita, habitabit
in vobis Christus, & comprehendetis, quæ sit longitudo,
latitudo, & profundum: conjungit autem, radicati & fun
dati, ut prius respōdeat illi, DEI Agricultura estis: posterius
huic, DEI Ædificatio estis. Accedit S. Hieronymus, qui
postquam dixisset, Christum habitare in interiori ho
minis

minis principali, id est, ea parte, quæ rationis est particeps, & Cordis nomine significatur, addit: *Habitatio ista per exordium Fidei fabricatur, radices & fundamentum in caritate habet: ut quoniam Dei agricultura sumus, & Aedificatio, omnia in Caritate succrescant, atque edificantur.* Quibus significat, Aedificium spirituale in Christianis, Fundamento Caritatis, vel Fidei, at caritate formatæ superstrui debere.

(a) Photius in Epist. Pauli. (b) S. August. Epist. 120. S. Hieron.
in Comm.

ARTICVLVS III.

FIDES INFORMIS

*Non est Fundamentum, per se sufficiens, vel Aedificium
Spiritualis, vel Salutis.*

FUIT antiquus, & qui tempore D. Augustini pullula-
bat error quorundam, qui contendebant, Fidem si-
ne Caritate ita esse Fundamentum, ut etiamsi superæ-
dificaret Christianus peccata mortalia, posset nihilomi-
nus salvari per expiatorium ignem. Atque ita interpre-
tabantur dictum Apostoli I. ad Corinth. III. *Si quis su-
peradificat super Fundamentum hoc, aurum, argentum, lapides
pretiosos, ligna, fœnum, stipulam: salvus erit. sic tamen, quasi per
ignem.* Nimirum, existimabant, per lignum, fœnum & sti-
pulam lethalia quoque peccata designari. Quod non esse
admittendum, proprio, qui de ea superædificandi ma-
teria instituetur, demonstrabitur. Hunc tamen erro-
num sensum fovent hujus temporis sectarii, reiectis li-
cet Purgatorii flammis. Qnibus præluxit Lutherus, qui
recto à se infidelitatis trophæo, hæc inscripsit axiomata.

S 15

(a) Non

(a) Lib. de capt. Babyl. cap. de Euchar.

Non alia via potest homo cum D E O convenire , aut agere , quam per Fidem : opera ille nihil curat . Tam dives est Christi inus , ut non possit perire , etiam si velit , quantumcunque male vivat , nisi nolit credere . FIDES est formalis Iustitia , propter quam homo justificatur , non propter Caritatem .

Hoc ut tenacius rudium animis inhæreret , pietatis testatum relinquere voluit . Tabula testis , in qua Augu-
stæ , cum Judicium extremum bellè depictum cernetur , & ad terrorēm fidelium peccata peccatis & fidei informi superaedificantium , adscribi curavit : (a) In hu-
die unusquisque secundum Fidem suam mercedem accipiet . At
hoc modo nemo sanæ fidei , FIDEM Informem Funda-
mentum dicere potest , sive Spiritualis Ædificii , sive sa-
lutis æternæ .

(a) Florimundus Ræmond , lib. I , cap. 16 . n. 3 .

ARTICULUS IV.

FIDES INFORMIS

Est aliquatenus Fundamentum Spiritualis Ædificii
virtutum .

CUM Fides figuratè , ac secundum metaphoram Fan-
damenti domus rationem habeat ; in fundamento
autem variæ considerari possint proprietates , ob qua-
rum aliquæ ea denominatione res quæpiam possit affi-
ci , non jerim inficias , Fidem informem dici quadante-
nus posse Fundamentum Domus Sapientiæ , Declaro .
In Fundamento hæc potissimum considera . Primo , quod
abeo incipiat ædificatio : quare dicitur initium atque
exordium , Vnde Oratori , jacere fundamenta Reipub-
licæ .

licæ, est dare ejus principium. Ego inquit Cicero ad Cornificium, quo die primum in spem libertatis ingressus sum, cunctantibus ceteris ad XIIII. Kal. Jan. fundamenta jeci. Secundo, quod pars sit ædificii. Tertio, quod fulciat ædificium, ne corruat: & quasi communicet reliquis partibus virtutem continendi se invicem: nam virtute fundamenti firmam habent connexionem inter se.

Si priora duo species, *Fides Informis* rectè vocatur Fundamentum: est enim exordium ædificationis spiritualis. *Principium vita*, scribit Deifer Ignatius (a) est Fides: *finis vero Dilectio*: amba autem simul juncta perficiunt hominem Dei. Et in eandem sententiam Clemens Alexandrinus, (b) citans Pastorem nominatissimum olim inter scriptores Ecclesiasticos: Præcedit, inquit, *Fides*, *Timor* cum edificat: perficit vero *Dilectio*. S. Ambrosius quoque in Psalm. cxviii, (c) versans illud: *Principium sermonum tuorum veritas*: *Fides*, ait, *principium Christiani est*: plenitudo autem *Christiani iustitia*. Denique S. Augustinus idem diversimode frequenter exprimit. Sermone xvi, de verbis Apostoli: *A Fide incipit homo, sed quia & Dæmones credunt, necesse est addere spem, & caritatem*. Sermone xxii, *Domus Dei credendo fundatur, sperando erigitur, diligendo perficitur*. Præfatione in psalm. xxxi. *Magnum opus sed ex Fide: laudo super adificationem operis; Sed video Fundamentum Fidei: laudo fructum boni operis; sed in Fide agnoso radicem*.

Hoc confirmat pia contemplatio magni Papæ Gregorii, qui exponens illud Psalmi cxxxvi, (e) *Exinanite usque ad fundamentum in ea*, scribit, vocem esse Cacodæmonis tribules suos concitantis & compellentis, ut post destructam caritatem, tanquam dejectum ædificii

spi-

(a) Epist. ad Philipp. (b) libro 2. stroma. (c) Sermone 26.

(d) S. Gregor. xxv. mor. cap. 15. (e) Psal. cxxxvi. 7.

spiritualis tectum, nitantur fundamentum, id est, to-
bur Fidei dissipare. Clara quoque est illa Synodi Tridu-
tinæ sanctio (a) Cum Apostolus dicit. (b) Justificari homo
nem per Fidem & gratis; ea verba in eo sensu intelligenda sunt
quemperpetuus Ecclesiæ Catholice sensus tenuit; & expressi, &
scilicet per Fidem ideo justificari dicamur, quia Fides est humana
salutis initium, Fundamentum, & radix omnis justificationis. Sicut
qua impossibile est placere Deo, & ad filiorum eius conformatum per-
nire. Gratis autem justifica iudicamus, quia nihil eorum, ut
justificationem præcedunt, sive Fides, sive opera, ipsam justifi-
cationis gratiam promeretur. Si enim gratia sit, iam non ex operis
bus: alioquin, ut idem Apostolus inquit, gratia iam non est gr-
atia.

Ex quibus colligas, Fidei, secundum se competere, se Fundamentum; ac proinde, cum Fides Informis in
peccatore fideli retineat rationem integrum fidei, quod
omnino certum apud orthodoxos, haud male ei de-
nominationem Fundamenti tribui. Atque hoc modo
Caritas non potest vocari Fundamentum: esset enim
alioqui prima origine, & via generationis inter virtutes
essetque prima Aedificii spiritualis pars non extrema,
quale est tectum: quod sane dici nequit.

(a) Trid. Ses. vi. cap. 8. (b) Rom. viii. (c) Molina Conco-
q. 14. ar. 13. disp. 44. usque 21:2. disp. 210. cap. 7. Torres de fide
disp. 41. dup. f. 6. 7.

ARTICULUS V.

FIDES FORMATA.

*Simpliciter, quoad omnia, & actu est Fundamentum
Aedificii Spiritualis.*

Sicut Fundamento consideres tum præcedentes duc-
quali-

qualitates, tum vim reipsa fulciendi, continendi, ac connectendi, omnino afferendum est, non nisi FIDE MATERIA esse illius modi Fundamentum. Nec enim si ne Fide formata sunt partes aliæ Domus Sapientiæ in anima, quas Fides sustentet & ne cœtat. Docuit hoc aliis verbis, & Scholasticè (a) S. Thomas, ubi de Fide tanquam prima virtute ac proinde Fundamento ceterarum disputavit. Cum enim sibi opposuisset hoc argumentum Fides informis non est Fundamentum, sed Fides formata; ut habet Glosa in i. ad Corinthios XIII. ex Augustin lib. de fide & operibus. cap. x. formatur autem Fides per caritatem. Ergo Fides habet à caritate, quod sit fundamentum. Caritas igitur est majus fundamentum, quam Fides: ac proinde Fide prior. Respondet. Ad rationem fundamenti non solùm requiri quod sit pri-
mum, sed etiam quod sit aliis ædificii partibus connexum: non enim esset fundamentum, nisi ei aliæ ædificii partes cohærent. Connexio autem partium ædificii spiritualis est per caritatem, secundum illud ad Colossenses tertio,
Super omnia Caritatem habete, quod est vinclum perfectionis.
Id est fides sine caritate fundamentum esse non potest, licet caritas non sit prior FIDE.

Quam responsionem unicâ distinctionis faculâ sic il-
lustro. Fides formata est fundamentum simpliciter & a-
ctu: *informis*, secundum quid, & potentiam. Atque hoc insinuat S. Paulus, qui desiderabat Ephesios habere in-
habitantem Christum in domo omnibus virtutum nu-
meris absolute: cuius proinde actuale fundamentum sit
Fides caritate formata. Sic quoque S. Augustinus lo-
quitur de fundamento, quod re ipsa fundamenti partes a-
git, & totius ædificii molem aptè connexam sustentat.

Et

(a) S. Thom. 22. q. 4. ar. 7. ad 4.

Et ita de fundamento tali exponit S. Paulum i. ad Corinthon. iii. afferentem, super fundamentum ædificari posse, aurum, argentum, lapides preciosos.

ARTICVLVS VI.

FIDES INFORMIS

An & quomodo sit Fundamentum potentia.

QUEMADMODUM Fundamentū materialiter esse potest sine ædificio; ita Fides esse potest in eo, in quo vinculū caritatis nondū connexa, & cōpacta est Domus Spiritualis; tunc autē recte dixeris, esse Fundamentū secundum aptitudinem quasi materialem respectu ædificii Spiritualis, atque ita potentia. Eadem autem Fides, modò in peccatore informis, fit deinde formata quando peccata remittuntur per gratiam & caritatem in anima diffusam. Sic quæ potentia solūm fuerat fundamentum fit illud actu. Quæ cum ita se habeat, existimo, Fidem etiam informem esse ὑπόστασιν, & substantiam rerum spandrarum: ac proinde eam à definitione Apostoli non debere excludi. In quo firmor; quod ipse Colosenses hortetur, nulla caritatis mentione facta, ut Fidei tanquam fundamento stabiles insistant. Cùm enim metueret, ne Colosenses Simoniana dogmata cum Christianis fidei præceptis conjungerent, requirit, ut sint fundati & stabiles in fide. Si permanetis, inquit, in Fide fundati & stabiles, & immobiles, à spe Evangelii, quod audistis ad Colosenses i.

NON me latet, S. Bonaventuram ablegare Fidem in for-

- (a) S. Thom. 22. q. 4. art. 4. (b) Banuez, q. 4. art. 7. dub. 2. Com. 4.
(c) S. Bonav. in 3. d. 23. art. 1. q. 5. Malderus 22. q. 4. art. 1.

formem à consortio illius, quæ est hypostasis, quod informis non sustentet spiritualis ædificii fabricam. Verum id est, quo ad actum, non quo ad habilitatem, & entitatem materialem, secundum quam est fundamentum & basis rerum sperandarum: non quæ informis, sed quæ Fides. Ita siquidem est inchoatio & initium spiritualis ædificii, adeoque rerum sperandarum, & Salutis æternæ. Ex quo sumatur, felicem esse nostram sortem, qui in Ecclesiâ Catholicâ, sumus nati & educati, in qua sola est vera Fides, non quidem in omnibus formata, tamen in omnibus quamvis alioqui peccatoribus, vera, & consequenter, quæ sit hypostasis rerum sperandarum, salutis initium; sine qua nulla virtus Christiana, & multo minus virtutum congeries, in modum ædificii conformata potest subsistere, ac proinde nec haberi Salus. Siquidem ex Divi Pauli pronuntiato: Ad Hebr. xi. *sine Fide impossibile est placere Deo. Et accedentem ad Deum, oportet credere, quia est, & quia remunerator est inquirentibus se. quod nullus credit hæreticus.*



SERMO